

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով 27.05.2023թ. կայացված ԱՖ960686 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 19 >> 06 2023թ. 7-13- 6299

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Խաչիկ Մանուչարյանի ՄԴ/45043-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Խաչիկ Մանուչարյանը (**ծանուցման հասցե**՝ Սյունիքի մարզ, գյուղ Բնունիս, 3-րդ փողոց, 2-րդ տուն) դիմումով խնդրել է անվավեր ճանաչել Ճանապարհային ոստիկանության վարչական իրավախախտման վերաբերյալ գործով կայացված ԱՖ960686 որոշումը՝ նշելով, որ լուսացույցը չէր աշխատում սահմանված աշխատանքային ռեժիմով:

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի համաձայն տրանսպորտային միջոցների վարորդների կողմից լուսացույցի կամ կարգավորողի արգելող ազդանշանին չենթարկվելը՝ առաջացնում է տուգանքի նշանակում՝ սահմանված նվազագույն աշխատավարձի քսանհինգապատիկի չափով, տուգանային միավորի կիրառում՝ 2 միավոր:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Սյունիքի մարզի Սիսիան

քաղաքի Թումանյան - Շահումյան փողոցների խաչմերուկի հատվածում լուսացույցները տեղադրված են ՀՀ կառավարության 26.10.2006թ. №1699-Ն որոշման պահանջներին համապատասխան, երթևեկության մասնակիցներին տեսանելի վայրերում, սակայն 26.05.2023թ. դրությամբ լուսացույցային օբյեկտի աշխատանքային ռեժիմը խախտված է եղել և չի աշխատել սահմանված աշխատանքային ռեժիմով:

Ճանապարհային ոստիկանության ՃՊԾ 2-րդ սպայական գումարտակի 6-րդ սպայական վաշտի 1-ին սպայական դասակի տեսուչ՝ ոստիկանության կապիտան Ի.Ավագյանի պարզաբանման համաձայն՝ քաղաքացի Խաչիկ Մանուչարյանի կողմից կատարված իրավախախտումը անձամբ չի տեսել և Ճանապարհային ոստիկանության վարչական իրավախախտման վերաբերյալ գործով ԱՖ960686 որոշումը կայացրել է ՀՀ ՆԳՆ ոստիկանության Սիսիանի բաժնի ՀՈԲ-ի տեսուչ, ոստիկանության ավագ լեյտենանտ Ա.Բարսեղյանի 26.05.2023թ. ՆՓ-831 զեկուցագրի հիման վրա:

<<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ ա) օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով. բ) կեղծ փաստաթղթերի կամ տեղեկությունների հիման վրա, կամ եթե ներկայացված փաստաթղթերից ակնհայտ է, որ ըստ էության պետք է ընդունվեր այլ որոշում. գ) շահերի բախման իրավիճակում:

Այսպիսով, դիմումատուն 26.05.2023թ. ժամը 18:10-ին երթևեկելով Սյունիքի մարզի Սիսիան քաղաքի Թումանյան - Շահումյան փողոցների խաչմերուկի հատվածում թույլ չի տվել Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասով նախատեսված արարք, հետևաբար վերը նշված որոշումը ենթակա է բեկանման:

Ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 27.05.2023թ. կայացված ԱՖ960686 որոշումը բեկանել և վարչական իրավախախտման վերաբերյալ գործի վարույթը կարճել.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Խաչիկ Մանուչարյանին և Ճանապարհային ոստիկանության ՃՊԾ 2-րդ սպայական գումարտակ, ինչպես նաև քննարկել հետագայում նմանատիպ դեպքերը բացառելու համար:



Ն.Սարգսյան